

ԴԴԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N 1

1. Ընդհանուր տեղեկատվություն

Միջոցառման անվանում	Տարեց և (կամ) հաշմանդամություն ունեցող անձանց տնային պայմաններում խնամքի ծառայություն
Դրամաշնորհի N	1032-11002/2025-US
Դրամաշնորհատու կազմակերպություն	ՀՀ ԱՍՀՆ
Դրամաշնորհառու կազմակերպություն	«Տարեցների առողջության և խնամքի ապահովման ասոցիացիա» ՀԿ
Միջոցառման իրականացման ժամանակահատված	01.01.2025-31.12.2025
Հաշվետու ժամանակահատված	01.04.2025-30.06.2025
Ներկայացման օր	28.07.2025
Հաշվետվության պատասխանատու (անուն, ազգանուն, պաշտոն)	Լիլիթ Մուրադյան, Ծրագրի համակարգող

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 և թիվ 7 հավելվածներով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

- 1.3. Խնամքի ծառայությունների տրամադրում:
3.1. Սոցիալական աշխատողի խորհրդատվություն:
4.2. Անձնակազմի վերապատրաստում:
5.1. Համայնքային գործընկերների ներգրավում և համագործակցության պայմանների սահմանում:
5.2. Համայնքային միջոցառումների կազմակերպում և տարեցների մասնակցության խթանում:

2.2. Խնդրում ենք նկարագրել միջոցառման առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ միջոցառման խնդիրների/նպատակի իրականացմանը:

Աշտարակ քաղաքում շարունակել է հաջողությամբ գործել տարեցների համար նախատեսված տնային համալիր խնամքի ծառայությունը, որը միտված է տարեց անձանց ֆիզիկական, հոգեբանական և սոցիալական բարեկեցության բարելավմանը՝ նպատակ ունենալով պահպանել նրանց ինքնուրույնությունն ու կյանքի որակը:
Իրականացված գործողություններ

1.3. Խնամքի ծառայությունների տրամադրում

Տնայցերի հիման վրա շահառուներին տրամադրվել են անհատական խնամքի պլանով և ժամանակացույցով կազմակերպված ծառայություններ, ներառյալ՝

- անձնական հիգիենայի ապահովում,
- կենցաղային աջակցություն (մաքրություն, գնումներ, ուտեստի պատրաստում),
- առողջական վիճակի մշտադիտարկում,
- ուղեկցում և ուղղորդում,
- սոցիալական խորհրդատվություն:

Ծառայություններն իրականացվել են խնամքի բազմապրոֆիլ թիմի՝ սոցիալական աշխատողի, սոցիալական սպասարկողների և բուժքրոջ մասնակցությամբ: Սոցիալական սպասարկողները, ելնելով գնահատված կարիքներից, աջակցել են տան մաքրության, սանիտարահիգիենիկ պայմանների պահպանման, սնուցման, գնումների, վճարումների և ուղեկցման հարցերում: Բուժքույրը ընկնելու բարձր ռիսկ ունեցող շահառուներին տրամադրել է խորհրդատվություն անվտանգության պահպանման վերաբերյալ, վերահսկել առողջական վիճակը, կազմակերպել բժշկական խորհրդատվություն և բժշկի տնայցեր՝ ըստ անհրաժեշտության:

3.1. Սոցիալական աշխատողի խորհրդատվություն

Շահառուները ստացել են անհատական խորհրդատվություն սոցիալական աշխատողի կողմից՝ նպատակ ունենալով պարզել նրանց կարիքները և առաջարկել համապատասխան լուծումներ առկա սոցիալական խնդիրների հաղթահարման համար:

4.2. Անձնակազմի վերապատրաստում

Ծրագրի որակի բարձրացման նպատակով խնամքի թիմը մասնակցել է Ասոցիացիայի «Խնամողի դպրոցի» վերապատրաստման ծրագրին: Վերջինիս հիմնական նպատակներն էին՝

- ծառայությունների որակի բարձրացում,
- տարեցների հետ աշխատանքի հատուկ հմտությունների զարգացում,
- մասնագիտական հաղորդակցման և էթիկայի ամրապնդում:

5.1. Համայնքային գործընկերների ներգրավում

Համագործակցությունը Աշտարակի համայնքապետարանի և ՄՄՄ Աշտարակի տարածքային կենտրոնի հետ շարունակվել է: Իրականացվել են հանդիպումներ և տեղեկատվական աշխատանք՝ բնակչությանը ծրագրի մասին իրազեկելու և նոր շահառուների ներգրավման նպատակով:

5.2. Համայնքային միջոցառումներ և տարեցների մասնակցության խթանում

Ծրագրի շրջանակում խթանվել է տարեցների մասնակցությունը համայնքային միջոցառումներին՝ նպաստելով նրանց ակտիվ ներգրավմանը համայնքային կյանքում:

Եզրակացություն

Ծրագրի երկրորդ եռամսյակում նկատվել է շահառուների ավելի ակտիվ ներգրավվածություն . նրանք դարձել են ավելի իրազեկ, նախաձեռնող և համագործակցող՝ իրենց խնամքի գործընթացում: Տարեցները սեփական օրինակով նպաստում են ծրագրի հանրայնացմանը և նոր շահառուների ներգրավմանը:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեղիա պրոդուկտներ և այլն)

Ծրագրի վերաբերյալ հրապարակումներ չեն կատարվել, սակայն նախատեսված է:

2.3. Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են միջոցառման գործողությունների իրականացմանը:

Քաղաքի դասեր

- Անհատականացված խնամքի պլանների կազմումը և շահառուի կարիքներին համարժեք ծառայությունների տրամադրումը շարունակում են ապացուցել իրենց արդյունավետությունը՝ նպաստելով տարեցների ինքնուրույնության պահպանմանը:
- Համայնքային գործընկերների՝ հատկապես համայնքապետարանի և ՄՄԾ տարածքային կենտրոնի հետ համագործակցությունը վճռորոշ դեր ունի շահառուների ներգրավման և ծրագրի կայունության ապահովման գործում:
- Խնամքի թիմի վերապատրաստումը դրականորեն է անդրադարձել մասնագիտական մոտեցման, հաղորդակցման հմտությունների և թիմային աշխատանքում վստահության մակարդակի վրա:

Ծագած խնդիրներ

- Ծրագրի մեկնարկային փուլում որոշ շահառուներ վստահություն չեն ցուցաբերել ծառայության նկատմամբ, ինչը պահանջել է սոցիալական աշխատողի հետևողական աշխատանք շահառուների ներգրավման ուղղությամբ:
- Աշխատակիցների աշխատավարձերը չեն համապատասխանում պետական չափորոշչով սահմանված նվազագույն պահանջներին, ինչը, չնայած թիմի բարձր մոտիվացիային, երկարաժամկետ կտրվածքով կարող է բացասաբար ազդել աշխատանքի որակի, կատարողականի և աշխատակազմի պահպանման վրա: Այս խնդիրը պահանջում է լրացուցիչ ուշադրություն և ռեսուրսների վերանայում:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

1.3. Խնամքի ծառայությունների տրամադրում:

1.4. Անհատական կարիքների վերազնահատում և խնամքի պլանի վերանայում:

3.1. Սոցիալական աշխատողի խորհրդատվություն:

5.2. Համայնքային միջոցառումների կազմակերպում և տարեցների մասնակցության խթանում:

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել միջոցառման աշխատանքային պլանով, բայց իրականացվել են միջոցառման նպատակին հասնելու համար:

Չնայած աշխատանքային պլանով նախատեսված չէր, սակայն ծրագրի նպատակին առավել ամբողջականորեն հասնելու համար իրականացվել են հետևյալ լրացուցիչ գործողությունները.

- Բուժքրոջ կողմից անհատական ուշադրություն է տրամադրվել այն տարեց շահառուներին, ովքեր ունեն ընկնելու բարձր ռիսկ: Տրվել է խորհրդատվություն անվտանգության միջոցառումների վերաբերյալ, ինչպես նաև աջակցություն՝ տանն անվտանգ միջավայր ձևավորելու և խոչընդոտող հանգամանքները վերացնելու հարցում: Այս գործողությունները նպաստել են շահառուների ֆիզիկական բարեկեցության և խնամքի շարունակականության ապահովմանը:
- Ծառայության վերաբերյալ համայնքի ներսում ակտիվորեն շարունակվել է իրազեկման գործընթացը, որի նպատակն էր բարձրացնել ծրագրի տեսանելիությունը, խթանել շահառուների ներգրավումը և ապահովել համայնքային մասնակցության շարունակականությունը:

Այս գործողությունները նպաստել են ծրագրի նպատակներին՝ ուժեղացնելով կանխարգելիչ բաղադրիչը և խորացնելով կապը համայնքի հետ:

Պ Ա Տ Վ Ի Դ Ա Տ ՈՒ

Գլխավոր քարտուղար՝ Ս. Մուրադյան

Կ.Տ.

(ստորագրություն)

Կ.Տ.

Կ Ա Տ Ա Դ Ո Ղ

Նախագահ՝ Ա. Թորոսյան

